

光緒丁未首夏

瀛洲百日譚

周樹模署檢


王君奏雲十三小像



像贊

巍巍淞城 峙亞洲東 海日湧現 朝氣新空
偉哉鐵盒 奇氣所鍾 根柢內植 英華外充
卓犖大端 興學勸工 心熱未已 瀛洲御風
腦力圓滿 肺量寬容 發爲大文 政學一鎔
愛國自鄉 造民以公 君此目的 前途靡窮
鐵盒先生有道 教正

月盒弟吳邦珍拜題



序

世變日棘矣強鄰環伺於外梟匪伏莽於內岌岌焉不可以終日於是志之士起而大聲疾呼曰立憲立憲然立憲之預備當自地方自治始地方自治之基礎當自育才興學始學不興則人才無由出人才不出則地方即無以治空言立憲每推諉於國民程度之不及夫程度明明不及而諱言不及是爲自欺程度明明可及而竟聽其不及是爲自棄一言以蔽之貴於自知其不及而力求其及則庶乎其得之矣余於壬寅蒞寶其時縣學堂尙未開辦風氣未開多以學堂爲詬病苦口危言反覆勸導幸潘君鑄禹袁君觀瀾諸君子竭力提倡五年之久僅得學堂三十餘所其不能興學以謀自治者實以紳士中少游歷之人無治人故無治法此王子奏雲所以偕施張諸君有東游之行歟王子者余宰寶邑所得士也文富而才敏尤究心經世之學有范文正作秀才時氣概歲甲辰舉任工業學務總協理一切建學堂謀實業之事得王子贊助之力爲多去歲之冬由留東學生之公推赴日游歷余爲籌公家款助其行惜乎經費


支絀不足以竟其志私竊媿之而王子乃以三閱月間攷驗所及蔚然成篇歸出所著瀛洲百日談示余余受而讀之然後嘆日本之所以強而王子之所取資於日本者固有在也夫日本以蕞爾三島興也勃焉我國以四百兆民族而救亡不暇此其故何哉能自治與不能自治也夫自治則國雖小亦強不自治則國雖大亦弱王子之心以爲民無智愚事無難易但使人人各本其所知皆去私心以求公理則天下事無不可爲何論一鄉一邑哉故篇中所載日本之政教風俗粲然靡遺而於育才興學尤三致意焉使推而行之則社會改良之漸卽人群進化之階然則是篇之作謂爲寶山一邑謀自治之嚆矢也可卽謂爲天下立憲政之權輿也亦無不可余奉調丹徒行有日矣不獲與諸君子共事於斯然以王子之熱心毅力將見坐言起行他日地方自治之成立余且拭目俟之焉是爲序

光緒三十三年歲次丁未夏六月仁和王得庚識

序

爲紳士難爲過渡時代之紳士尤難前者紳士經理地方公共事務有消極的一方面無積極的一方面由地方自治性質之不明而紳士能力如是止矣世變日新競爭日劇僅隨事物之來以爲對付恐生存之不保遑論幸福於是有一二說焉曰廣興教育助長經濟誠使一地方之士民同具此思想日以此問題責難紳士則紳士幸矣不然爲紳士者獨本其學力識力之所及引地方事爲己任徬徨奔走如恐弗及得寸得尺匪敢預冀難乎不難乎寶邑交通地文明之輸入產物之輸出視他邑均占優勢學務也實業也若者爲進步時代若者爲試驗時代究其所以得此尺寸之效者實由於紳士之知難而不畏其難王君奏雲吾同志也乙巳歲就邑城倡設裕生機織工廠大著成效丙午冬被選爲寶邑勸學所總董導實業之先路執學界之牛耳固將爲吾民培根本圖幸福也是歲之杪東遊日本爲實地之攷查於學務實業尤爲兢兢費絀時促不獲充其志願既歸國輯其攷查所得付諸剞劂以餉同人蓋欲喚起我邑人

興學勸業之心爲實行地方自治之計勇哉王君所謂引地方事爲己任知難而不畏其難者矣名曰瀛洲百日談蓋紀實也讀是編者幸勿以公家言目之光緒丁未歲夏五月羅谿潘鴻鼎識於邑城繪丈學堂



凡例

一古今人日記體例各有不同然不外編年紀事二種現游歷者日多日記層出因畧變其例名曰瀛洲百日談內分日記摘錄觀覽隨筆見聞雜誌三種雖與近人日記體例不無差異然按之編年紀事似亦符合

一余東游宗旨以攷察地方自治規制及教育實業各事宜爲主曾由 蘇撫給咨惟費細時促心得無多故筆記所及創繁就簡僅得若干

一地方自治以市町村府縣郡爲最要之機關曾在法政大學聽講月餘初擬編入恐與日記簡要之體不符故於市參事會地方裁判所等畧爲詳叙而所聽講義則當另訂專書以符體例

一小學校係國民義務教育中學校爲養成公民之要素故叙載較爲詳晰

一日本於工業一門極爲秘密故所觀工廠僅得數處

一瑣細之事以及得之目見耳聞無可歸宿者統載見聞雜誌中以補遺漏

一是冊遵照 學部新訂京外官紳遊歷簡章凡游歷人員應將游歷情形攷察事項逐日筆記繕寫各分歸國時呈出使大臣學部暨原咨衙門記者欲省謄寫之工夫因付梓人

瀛洲百日談 凡例

半解一知兼之恩促閱者當垂諒焉



瀛洲百日談目次

日記摘錄

丙午十二月初九日始
丁未三月二十日止

觀覽隨筆

三十六則

見聞雜誌

三十九則

瀛洲百日談 目次



瀛洲百日談一

日記摘錄

丙午春寶邑留東學生。以琦擔任地方學務工業事。援北洋及甯屬章程。舉琦赴東游歷。攷察各項要政。因琦事未果。秋七月立憲。

詔下留東諸君。重申前意。函致邑侯王緯辰大令。得庚及邑學務公所總董袁君觀瀾。希時適勸學所成立。觀瀾以已舉蘇省學務公所議紳。本邑事不克兼任。辭總董職。紳學界舉琦承乏。辭不獲已。深愧譴陋。攷察更不容緩。因謁蘇撫陳筱帥。呈具志願証書。請咨東遊。蒙卽核准。並分咨

江督

外務部

商部立案。遂約定同志。附日本郵船小倉丸東渡。

十二月初九日陰。下午十時上船。同行者青浦沈商耆彭年。同邑邵心箴姨丈。曾模王詠仁。鍾麟（均縣學堂教員）王梓才。樹基蘇履吉。守廉金侯城內弟。其堡。侯城係日本高等工業學校二年級生。其他諸君。俱係游歷。又青浦吳飛如。祥熊。同邑錢玉如。潤。凌贈孫企。曾亦附。

伴同游。已先在船。是晚適雨甚。

初十日黎明啓輪。雨漸止。八時出吳淞口。下午三時。經黑水洋。微風。船畧簸顛。

十一日晴。風息。船漸平。登艙面一望。則海天相接。波作蔚藍色。蓋已由黑水洋入綠水洋矣。晚十二時抵長琦。停輪。是晚微雨。

十二日雨。商耆諸人均登岸。余與侯城在船談日露戰事。因推論中國前途。海陸軍宜急切整頓。並教育與軍事有重大之關係。下午雨止。四時啓輪。夜半二時抵盟司。停輪。

十三日晴。上午十一時。展輪。至船面閒眺。波作淡綠色。漁艇往來。不絕如織。盟司與赤間關(人呼馬關即甲午李文忠與伊藤侯立約之處)對峙。爲內海鎖鑰。至此兩岸山峰。絡繹不斷。

十四日陰。上午十一時抵神戶。與同行諸君。收拾行李登岸。侯城爲先導。行過檢查旅具所。行李由檢查員逐一點驗。有帶烟草及食物畧多者。盤詰甚嚴。按日本關例。入口貨物。不論多寡。徵稅極重。蓋惟恐多一分輸入品。即減一分本國品也。一時至榮町通一丁目。海發盛旅館。安頓行李。并午膳。驗對時表與掛鐘差一小時。蓋此間與上海經線。相去約十五度也。三時遊諏訪山。山爲神戶公園。螺旋而上。環山皆松柏。登山之絕頂。則風飄沙鳥。一目千里。山之腰有運動場。地極寬曠。設浪橋一。是日適日曜日。男女學生。半集於此。各

種遊戲。於活潑中極有規則。六時回寓。微雨。

十五日晴。九時偕全人遊商品陳列所。列品均標明產地。以銅類漆類爲多。磁器質不及中國。而價則數倍。又至中國會館。館爲前出使日本大臣李公使經方所創建。屋宇華麗。有廟堂氣象。一時至華人街午膳。三時回旅舍。六時二十分。至火車站買二等急行車票。其停車場之待合所。備有各種日報。及各種新聞日誌。俟城云。彼國各處車站皆然。亦開發民智之一端也。至三十二分鐘登車。此爲官有鐵道。歸鐵道作業局管理。所經各停車場。如西京大阪等處。均係名勝鉅區。惜在夜間。不獲瞻覽。車中晤富士造幣株式會社理事部長。松本岡一。與談實業事。據云日本工業未發達以前。西洋輸入品。火柴每匣售至二十五文。他如棉紗砂糖等漏卮。更可想見。其說娓娓可聽。是晚同人坐而假寐。

十六日陰。九時抵新橋。同鄉袁仲廉。希濂。錢印霞同年。涂趙厚生。逯張鑄石。惟鑒均至車站招待。引琦等七人。乘電車至牛込區東五軒町三十番地林館下宿。玉如贈孫同印霞至。鞠町區伊東望館同居。抵寓後。奉賢蔣式言。嘉珍婁縣阮价。藩尙介南滙朱叔源。增潯同。邑袁俶畚。希洛來。是晚雨。與諸全鄉暢談。至十一時睡。

十七日雨。晨九時發第一號家書。並致邑學務公所。及上海內地淨水公司二弟函。同邑張

公權嘉敬及玉如贈蓀來。二時同侯城至神田置備寓中用件。並買日本政俗摘要四十冊。（邑侯王緯辰大令托買以備分送區董）至回寓已上燈矣。

十八日晴。十時至本鄉家仲濂叔舍寓。晤青浦葉養吾。嘉定徐季清。家瑞。季清係高等工業學校機械科三年生。將次畢業。因試驗機械。傷右手四指。談次於機械事甚有條理。蓋皆從實驗中來也。午後至印霞寓。晤吳縣王逸海。全年慎言。同邑石義巢。維高三時至公使館謁楊公使。呈遞咨文。五時回寓。

十九日晴。陽歷二月一日。青浦蔣雲章以魁來。午後由雲章導游上野公園。觀動物園。

二十日晴。午後二時。同鄉開歡迎會於神田區駿河臺留學生會館。到會者二十餘人。由張君邁嘉森致歡迎詞。全人推琦爲代表。致答詞。述游歷之志願。並演說地方自治。須注重普通教育。養成公民之資格。印霞演說豫備立憲。法律須與道德並重。厚生演說對外交策。并合群主義。四時散會。全至小林寫真館攝影。並至同興館酒叙。

二十一日晴。晨九時。至公使館領介紹書。晤浙江梁建甫。啟泰。據云須與外務省交涉。故尙需時日。午後一時。至法政大學。聽校長法學博士梅謙次郎演說清國旅行談。始論中國度支之不能豫算。並中央政府不能集權。事事爲督撫所牽掣。次論地方自治。雖有希望。